

物產考下第十六

辰州府志十六

知府事吳縣席紹葆宜民輯



木之屬 曰桑〔典術〕桑箕星之精〔月令〕季夏之月命野
虞毋伐桑柘〔註〕愛蠶食也辰州種之者甚多有數種
葉大如掌而厚曰白桑葉薄者曰鷄桑先椹而後葉
者曰子桑葉尖長者曰山桑皆可飼蠶其實曰葚可
爲方品又一種野生者俗呼灰桑 曰柘〔說文〕桑屬
蠶晝柘葉飼蠶爲琴瑟絲清響勝凡絲〔考工記〕弓人
取幹之道柘爲上〔本草〕其木染黃赤色謂之柘黃或
以爲卽桑之野生者 曰茶〔陸羽茶經〕一曰茶二曰

辰州府志

卷十六

物產考下

一

檟三曰葢四曰茗五曰薜始生而嫩者爲一鎗寢大
而開者爲一旗〔歐陽修詩〕共約試新茶旗鎗幾時綠
學林新編最佳者造在社前其次火前其下則雨前
辰郡藝者亦多亦間有佳製又一種曰油茶高丈許
葉稍粗全類滇茶十二月開白花結實可榨油名茶
油 曰柑俗作楠〔張華〕謂之交讓木其名甚多辰郡
有香柑黃楠牛舌楠豬尿管楠滑楠之稱香者爲佳舊
日各廳邑最多以採伐者衆今則深山窮谷不數見
亦鮮有香者 曰梓〔通志〕梓與楸相似〔埤雅〕梓爲百
木長故呼爲木王〔羅願〕云屋室有此木則餘材皆不

□李時珍曰理白者爲梓赤者爲楸辰人並有之又取葉以飼豕肥碩十倍 曰松大者數十圍高百餘尺樛枝磊砢王維詩所謂種松已作老龍鱗也三月開花如粉名松黃亦曰松花粉根下多伏苓又一種曰羅漢松身全似柏葉如鷄舌辰俗又有曰野寄松者 曰柏樹聳直皮薄高數丈大者數圍性堅緻老而香 曰樅爾雅樅松身柏葉辰人多樹以供薪大者亦爲梁棟之用 曰杉似松而直葉如針刺梁棟之至美者皮亦可代瓦 曰槐葉細而青綠夏花秋實筴如連珠多黑子者良 曰椿古作杔櫛易長而

多壽方春摘芽以爲蔬俗呼香椿椿樗栲一木三種椿木堅實可備棟梁樗皮粗肌虛而白其葉臭惡栲卽樗之生深山者古人以爲不材之木又有一種辰人呼曰毛椿 曰檀采子云善木也有黃白二種葉皆如槐皮青而澤肌與梓榆莢莩相似可爲車輻詩檀車煌煌是也 曰樟樹最盛大凌冬不凋出自豫章今辰郡亦間有之 曰桐陳翥桐譜列六種紫桐白桐膏桐刺桐頰桐梧桐辰州有其三曰梧桐樹最高而易長青皮白骨子如胡椒可食曰刺桐葉如丹楓有刺曰膏桐又名荏桐俗呼油桐樹小長亦遲□

大而圓粒大如楓子取作油入漆沿山種之自下而上行列井然謝鳴盛詩有時種樹似垂梯蓋詠此也辰民藉此以爲利又有一種曰水桐溆浦志有之曰漆說文本作棗木汁可以鬚物辰郡多藝之榦如柿葉似椿樗五六月間葉端苞而不茁即孕漆也斧斫節間盛以羸蚌殼夜垂乳如豆向曉而闕越三宿而一取數則乳不吐也至九月止曝以烈日盛以木甕售之及遠方 曰楓樹似白楊葉圓岐有脂而香高數丈大者十圍霜後色丹唐詩所謂霜葉紅於二月花也 曰冬青本名女貞俗謂之蠟樹辰郡最多

歲以收蠟爲利詳後蠟虫下其枝柯凌冬青翠結實如圓豆冬至日取以入藥 曰楊柳本草楊枝硬而揚故謂之楊柳枝弱而垂故謂之柳蓋一物二種也辰郡有白楊叢楊黃楊水楊之稱惟黃楊差異最高遲蘇軾詩黃楊厄閏年柳則有赤柳江柳垂柳山柳水柳檉柳之稱名號紛然究不甚相遠也又有一種衍義謂之檉柳俗呼鬼柳杜甫詩檉柳枝枝弱是也 曰烏榕一作烏白葉可染阜霜後色丹子大如指落黑殼取白瓢熬之可燭其中細核榨油可燈 曰櫻櫚張揖曰本高一二丈旁無枝葉如車輪皆萃於

杪其下有皮重疊裹之每皮一匝爲一節花黃白結實作房如魚子狀玉篇一名蒲葵□曰楮陸璣詩疏幽州人謂之穀桑或曰楮桑荆揚交廣謂之穀中州人謂之楮江南人績其皮以爲布又擣以爲紙酉陽雜俎葉有瓣曰楮無曰構痺雅皮白者穀皮斑者楮蓋一物三名也辰郡多漚之以爲紙謂之穀皮紙亦謂構皮紙剖取樹中白汁用粘金薄能合硃砂爲團物類相感志所謂構膠可以塗丹砂也 曰構音朗正義木有榆者俗呼爲榭榆蓋爲構也有紅白二種大樹皮厚寸許性膠可以和香料葉圓而淡黃俗作

帛以欄爲灰鄭注以欄木之灰漸釋其帛也集韻又音攣亦木名按瀘溪志白花卽蘭木理細滑可制器考諸書無蘭木或卽欄木之誤也 曰阜莢結實如刀豆如荔枝又一種名肥阜可以滌垢 曰水絲大樹性極堅 曰水東瓜 曰鹿耳斑三者皆辰州方名也 曰棐與榧同爾雅翼榧形如柏古謂文本可爲几晉書王羲之見門生棐几滑淨作書是也結實可食 曰樺玉篇木皮可以爲燭通作華師古文選註華卽今樺皮貼弓者辰州別有一種曰樺香形如杉而有香 曰杭大樹辰俗呼圓株子小而圓白可

辰州府志

卷十六

物產考下

五

食 曰夜光木伐木浸水中久而將朽取之置闇室間炯然有光久不經雨露光亦漸滅他處少有

竹之屬 曰紫竹 曰青竹 曰蒲竹 曰斑竹 曰

筍竹可治器亦可刺船 曰烟竹 曰水竹 曰竿

俗作筍竹可作箸 曰柑竹一作南竹一名苗竹 曰

鳳尾竹墓間多栽之 曰金竹以色如金也 曰簫

管竹 曰筠竹 曰麻竹 曰方竹 曰實竹 曰

苦竹 曰白竹筍最多 曰野竹又名尺竹春筍多

可作籬 曰楊竹 曰孝竹 曰慈竹叢生不散形

相似大小微異生筍皆春多於冬夏堅老者供用甚

繁其枝葉霜深不凋曾袞詩幾度歲寒難折節漸經
衰老轉虚心可謂善詠竹者矣

藥之屬 曰薏苡仁可供常食 曰茯苓 曰黃精一

名陽藿 曰何首烏一名合歡藤有赤白二種 曰

牛膝 曰土牛膝 曰益母草 曰天丁一名老鼠

刺治吐血 曰地丁 曰續斷 曰穀精草 曰香

薹 曰紫草 曰丹鳳俗名鋸齒草 曰木通即通

草 曰茵陳草 曰夏枯草 曰木賊俗名筆筒草

又名接骨草 曰獨活俗名獨搖草 曰天麻即定

風草 曰豨薟草 曰車前即茺菹 曰龍膽草綠

辰州府志

卷十六

物產考下

六

花性苦寒 曰香附俗名羊鬢草 曰寄奴 曰白

芡莖葉如蘭紫花 曰鈎藤俗名鶯爪藤辰谿以釀

酒 曰金銀花俗名羈絲藤 曰天南星俗名鐵燈

臺 曰半夏俗名三步跳 曰石菖蒲 曰升麻俗

名鬼臉草 曰王不留行 曰赤芍藥 曰海金沙

俗名風藤 曰苦參 曰桃仁 曰細辛一名茅葉

曰茨菰有山水二種山茨菰有茅殼今人用者多

是石蒜誤矣 曰桔梗 曰前胡 曰威靈仙 曰

黃連苗地多佳者 曰黃芩 曰金櫻刺 曰白蘚

皮 曰山豆根 曰旋覆花即金沸草 曰骨碎補

一名猴薑 曰艾有鷄脚銅錢二種 曰臭牡丹
曰甘菊 曰乾葛 曰密蒙花俗誤爲瑞香 曰白
芷 曰葶麻子取油可合印色 曰荆芥 曰薄荷
曰紫蘇 曰青蒿 曰大戟 曰栝蒌俗名天花
粉 曰仙茅 曰蒼耳 曰青箱子卽野鷄冠 曰
狼毒 曰大小薊 曰蒲公英 曰草烏 曰藁本
曰商陸 曰常山 曰馬蹄香 曰芫花 曰木
蓉 曰木鱉 曰扁畜草 曰黃藥子 曰白藥十
曰瞿麥 曰淫羊藿一名仙靈脾根如蒼朮多鬚
曰葶藶一名牛尾蕨 曰枸杞子 曰地骨皮卽

辰州府志

卷十六

物產考下

七

枸杞根 曰五味子 曰黃柏 曰厚朴 曰五加
皮 曰杜仲 曰吳茱萸性大熱 曰燈草心 曰
五倍子 曰八角蓮 曰牛舌草俗名牛舌頭以葉
形似也 曰牽牛 曰魚腥草 曰麥門冬卽沿階
草 曰兔絲子 曰絡石草 曰蛇牀子 曰獨脚
蓮 曰地膚子 曰滑石 曰石青 曰石綠 曰
黃蘗皮 曰地錦草 曰艷容草俗名葉下紅 曰
懷香子以上諸藥草皆辰郡三廳四縣所產者其多
寡不齊亦不過數十件之異耳其中貨於四方稱上
品者甚多

按諸藥草雖最關人命然非明於醫者不能用欲求其性體形象則自有本草綱目諸書在故今第著其名以志斯土所產之繁云

草之屬 曰木棉爾史高昌國傳有草實如繭中絲爲細纁名曰白疊取以爲布甚軟白演繁露唐環王傳吉貝草也緝其花爲布麤曰貝精曰氎更炤釋文以春二三月下種既生一月三薈至秋生黃花結實及熟時其皮四裂其中綻出如綿辰郡近多種者苗民亦皆植之凡山地稍平處皆宜蓋木棉不擇地之肥瘠惟視人功之勤惰以驗豐歉勤於耨者則收必多

辰州府志

卷十六

物產考下

八

曰苧通作紵詩可以漚紵又曰麻詩可以漚麻禮內則女子執麻臬學女事以共衣服爾雅謂之臬麻辰郡並種之夙根培灌歲可三刈解其皮刮之長肥而脆者績爲夏布短瘦者韌爲繩索爲用良普 曰葛說文絺綌草也詩葛之覃兮周禮地官掌葛疏以時徵絺綌之材於山農辰人種之取其藤皮以石灰水漬而刮之績以成布謂之葛布其根歲荒土人採取搗之澄粉作粢以禦饑俗呼爲大葛蓋以蕨呼小葛故也瀘溪志舊有葛公歌詳雜記中 曰藍詩終朝采藍通志藍三種蓼藍染綠大藍如芥染碧槐藍

如槐染青三藍皆可作澱色成勝母故曰青出於藍而勝於藍 曰茜音倩其花染繒赤黃也本草一名地血一名風車草一名過山龍今染絳茜草也 曰芷一名芳香一名澤芬離騷扈江離與辟芷兮荀子蘭槐之根是爲芷本草生川谷中主長肌膚潤澤顏色可作面脂 曰芭蕉一名甘蕉一名扇仙大者圍二三尺重皮相褰望之如樹葉如扇萼開如倒垂蓮花辰州獨有香蕉謝鳴謙香蕉書舍記乾隆甲申三月余偕弟鳴盛至辰州編纂郡志寓於學使者試院東隅有芭蕉一株每久雨初霽葉中香氣浮於几榻

間氣味清醇他產未嘗聞也一時題詠者皆以爲瑞物云 曰鳳尾蕉形如鳳尾凌冬不凋亦能開花一名番蕉能辟火患性喜鐵以火鐵鑽其根及鐵屑壅土益茂 曰淡芭菰俗名烟草一名相思草辛溫治滯氣停痰風寒濕痺山嵐瘴霧爲宜王阮亭分甘餘話余考姚旅露書烟草產呂宋本名淡芭菰韓宗伯莢最嗜之其門人爲作淡芭菰歌 曰芝瑞草一歲三華謂之三秀草本莖有青赤黃白黑紫六色辰州深山苗地所產有甚巨者色朱紅可愛 曰菖蒲水草宮氏春秋冬至後五旬七日始生俗五日午日取

之以漬酒一寸九節者佳 曰墨菜一名鱧腸草一名早蓮草野生細葉莖汁如墨 曰卷耳俗呼鼠耳 詩采采卷耳是也又有呼暖姑者小春時生山中葉如鼠耳色綠有茸多白艷叢生疊地如盤採春之如綿茸不斷取糯粉糲之爲丸或作餅可蒸可煎 曰茅葉如矛故謂之茅其根牽連故謂之茹易所謂拔茅連茹也辰郡有黃茅白茅絲茅芭茅鑽茅鷄冠茅之名以供炊爨覆牆屋而已又一種曰苞茅郭璞云 曰芒草叢生葉如利鋒七月抽長莖開白花成穗皮可爲繩箔 曰履莖穗可爲掃帚土人呼冬茅又名芒

冬 曰鳳尾草柔莖青色葉有小尖如鳳尾故名 曰糯米草饑年可拌米煮食 曰蔞草可以捆履 曰紫草澆白燭爲紅 曰蠟燭草 曰馬鞭草 曰馬蹄草 曰鴨舌草 曰狗尾草 曰烏扇草 曰羊屎草大都以形似名也 曰蔞菸臭草也 曰斷腸草一名砒霜能毒人以綠豆地黃漿解之可愈 曰虎耳草 曰秀蘭草狀如鵝眼錢四周有齒植蘭盆中可以護雨泥不侵蘭葉 曰書帶草瘦而微長以鄭康成得名也 曰馬絆纜 曰墨草 曰白頭翁 曰番白一名白布纜 曰螳螂刺 曰四葉草

曰九節蘭 曰集子草皆辰州方名也 曰蒹水
草節中生葉左傳蘋蘩蒹藻之菜 曰萍爾雅翼水
上小浮萍謝德宏詩隨風爲聚散逐水各西東古人
行踪無定往往比之而興歎其種有二一則背面皆
綠一則面青背紫多生止水處 曰蘆葦大葭卽詩
所謂彼茁者葭也生水邊其花風飄如雪聚地如絮
曰蓼有紅白二種詩傳云在陸爲荼在水爲蓼
曰苔蘚陸龜蒙苔賦高有瓦苔卑有澤葵散崑竇者
曰石髮補空田者曰垣衣在屋曰昔邪在水曰陟釐
羽之屬家生者 曰鷄曲禮鷄曰翰音種類甚多以白

辰州府志

卷十六

物產考下

十一

毛烏骨者爲貴 曰鴨曲禮疏野鴨曰鳧家鴨曰鶩
亦名舒鳧 曰鵝爾雅謂之舒鴈江東呼爲鳴鵝
曰鵠又名鶉鵠周禮庖人掌居六禽鵠居其一 曰
鷓鴣爾雅謂鷓鴣又名水老鴉嘴曲如鈎入水取魚
則束其頸僅通小魚大者不能下時呼取之復遣去
漁人馴養以爲業 野生者曰燕一名元鳥齊人呼
鳧又曰鷓鴣說文燕布翅岐尾作巢避戍巳日銜泥
爲巢寄人梁上春社來秋社去 曰鴈大者鴻小者
鴈其去來與燕相反月令季秋鴻鴈來賓孟春鴻鴈
北去古之贄者用雁取其候時而行也婚禮用雁取

其知夫婦之義也雁行有序故又以擬兄弟之齒
曰鵲鴿本作脊令詩脊令在原一名雝渠一名連
錢又名錢母 曰鳴鳩詩鳴鳩在桑穀雨後鳴有布
穀擊穀穫穀桑鳩鳴鳩郭公鵠鵠諸名蓋各以土音
之近似測之又諧其聲爲割麥過荒方言云戴勝者
非辰州惟呼布穀杜甫詩布穀催春種其鳴時則農
候也 曰祝鳩嚴粲詩緝鵠鳩也四牡嘉魚之雝是
也 曰斑鳩俗作鶉鳩者非 曰雉俗呼野鷄 曰
錦鷄赤雉也 曰巖鷄一名土雷鷄雄鼠色雌雀色
五更輒啼 曰竹鷄鳴則呼泥滑滑畜之可制白蟻
辰州府志 卷十六 物產考下 十二
一鳴三十六聲者佳 曰白花鷄色紫一名紫羽老
則毛白其鳴似鴿 曰地花鷄黑白相間成文 曰
禾鷄 曰白面鷄 曰重冠鷄 曰泥鷄 曰水鴨
即鳧也楚辭泛泛若水中之鳧是也 曰慈烏卽反
哺鳥通身皆黑孝鳥也頸白者曰烏鴉俗名夜話子
曰鴉郎似鴉而小健捷能逐鷹 曰鷹爽鳩也月
令仲春之月鷹化爲鳩 曰鷓小如鷹善捕雀 曰
鷓黃色燕頰勾喙搏風擊鳥最捷 曰鷓曰鷓皆同
類也季時珍云青鷓最俊者謂之海東青本草鷓一
名魚鷹又名鷓鷄大都鷓上擊鳥鷓下取魚也 曰

畫眉似鶯而小黃黑色眉長如畫其音流麗 曰鵲
鵲俗呼八哥教之能言 曰鶯卽黃鸝也其羽金色
其音圓滑詩睨睨黃鳥有鳴倉庚又金衣公子黃衣
公子黃鶯戴勝鶯梭皆其名也 曰鵲俗呼喜鵲一
名乾鵲一名鳩鵲以音感而孕先物而動先事而應
曰山鷓小而文紅嘴彩毛尾長尺許謂之山鳳凰
諸鳥多畏之 曰黃雀味甚美 曰青雀一名打魚
雀 曰瓦雀一名麻雀一名禾雀 曰寒雀一名雪
烏雪多則盛 曰滴滴雀飛鳴上山主晴下河主雨
曰背籠雀 曰芒動雀 曰蛇雀大如雀尾長身

有文嘴爪皆赤能食蛇其名皆方語形象亦約略同
也 曰練雀一名帶鳥俗呼羅裙帶身小赤色尾白
長尺餘往往偶俱 曰孔雀五色俱備其尾張如屏
光艷可愛謝德宏詩悅人孔雀毛殺人孔雀血人吞
其血則立死故也 曰斥鷃莊子所謂騰躍不過數
仞下翔蓬蒿之間者也 曰鷓鴣一作鷓鴣陸佃云
鷓無常居而有常匹性善鬪飼之者珍之置懷袖間
又名鴛月令季春之月田鼠化爲鴛 曰啄木一名
鴛爾雅鴛斲木郭注口如錐長數寸常斲樹食虫因
名 曰翡翠張華云狀如鷓鴣色碧鮮縟可愛目惜

其羽日濯於水王公之家以爲婦人首飾俗呼魚虎
又呼翠鳥 曰鷓鴣因求旦之聲得名月令仲冬之
月鷓旦不鳴本作盍旦有曷旦侃旦獨春城旦之稱
曰鷓鴣禽經隨陽鳥也向日而飛畏霜露早晚希
出 曰鶴相鶴經陽鳥也而遊於陰行必依洲渚止
不集林木 曰鵠本草大於鴈羽毛白澤其翔高而
善步一名天鵠 曰鷗水鴉也一名鷺季時珍云鷗
者浮水上輕漾如漚也 曰鷺鷥水鳥也羣飛成序
潔白如雪一名白鷺頂有長毛如絲又名絲禽又有
屬玉春鋤之稱 曰鴛鴦匹鳥雄曰鴛雌曰鴦雌雄

未嘗相離 曰鷓鴣水鳥也陸佃云長目精交故名
一名交目一名鷓鴣 曰杜鵑蜀望帝魂所化也李
義山詩云望帝春心託杜鵑一名子規一名怨鳥自
呼謝豹辰人呼陽雀諺云陽雀啼過六月六三秋五
穀盡皆熟 曰百舌淵鑑類函反舌鳥也能反覆其
舌隨百鳥之音月令仲夏之月反舌無聲一名望春
一名喚起江南人謂之喚春 曰鷓月令仲夏之月
鷓始鳴卽百勞鳥一作博勞又有伯鷓伯趙姑惡苦
吻鳥諸名辰俗呼苦鳥與伯勞分爲二物誤矣 曰
鷓正字通鷓山鴉夜爲惡聲不能遠飛若有疆廢故

名史記賈誼傳楚人命鴟曰服今辰俗統呼爲鵬鴟
曰鴟梟頭目如猫晝伏夜出鳴則雌雄相喚初若
呼後若笑所至多不祥不孝鳥也百日旣長食母而
飛辰俗呼猫頭鷹 曰蒼鷗正字通妖鳥也一名鬼
車鳥一名九頭鳥百澤圖俗傳此鳥十首天狗齧其
一常流血血者人家則凶荆楚人夜聞其飛鳴爭作
犬聲相逐以其畏犬也辰俗夜聞空中如笙簫齊鳴
卽知爲九頭鳥競鳴鑼放火爆喊呼逐之 曰姑獲
鳥一名乳母鳥小兒衣夜露未收此鳥夜飛以血點
之兒卽病驚 曰鴟鴞讀作批頰王安石詩藉草聽

批頰是也季時珍云五更鳴架架格格者也又有夏
舌榨油郎鳳凰阜隸諸名狀如燕黑色尾長有岐頭
上戴勝卽爾雅之鳴鴉戴鴛也鳳凰廳人擬其聲呼
之曰點燈捉蛇蚤 又有鳥曰蠟嘴 瀘溪縣有鳥
桑葚熟時乃見土人呼曰採桑子 又有大如鴈者
俗呼曰青壯 溆浦縣有鳥分青白黃三種統曰波
釣古固未有其名遂訛書作鷺與鷺字典所無也
毛之屬家生者 曰牛畱禮曰一元大武周禮謂之太
牢郡有二種豐碩而重遲力大角利能與虎鬪曰水
牛卽吳牛也角縮而短悍曰黃牛土民藉以耕田苗

民無田可耕畜而貨之以供饌 曰馬郡邑所畜皆
售自苗地苗民飲饌所需故產多而鮮良者 曰羊
禮記所謂柔毛少牢也易繁而性熱辰郡多山故民
苗多畜之 曰驢一名長耳似馬長耳低小不甚駿
故又呼蹇驢 曰羸俗作騾馬牝驢牡所生大於驢
而健於馬其力在腰故善負 曰犬畱禮疏狗犬通
名若分而言之則大者爲犬小者爲狗田犬長喙善
獵吠犬短喙善守食犬體肥供饌 曰豕禮豕曰剛
鬣豚曰膾肥俗呼曰猪辰郡豢者啗以苞穀雜糧及
樹葉野菜故價廉於他處 曰貓陸佃云鼠害苗而

貓捕之故字從苗 曰鼠尖喙善穴晝伏夜動□而
善盜故俗呼盜鼠 野生者曰田鼠□名雀鼠小而
肥 又有曰鼯鼠皆害田稼者 曰水鼠穴水旁渡
水不濡能入舟盜食 曰鼫一名竹鼫辰俗呼田棒
槌食物本草鼠食竹根居土穴中大如兔其味如鴨
曰鼯本草一名黃鼠狼又名鼯鼠又名地猴韓愈
詩條閃雜鼯鼯如鼠赤黃而大健於捕鼠及禽畜
曰鼯齡似鼠而小毛斑俗呼齡斑子 溆浦縣有重
三四觔食茅穴於芭茅下曰萊鼠者 又有鼠屬首
尾長二尺許曰盤長者 又有似鼠而尾大曰車推

者皆其方名也 曰兔_禮兔曰明視孕五月而吐子
一生數子者曰碩鼠亦兔屬一生二子者爲正兔
曰山狗一云野狗 曰山羊角尖善鬪 曰山牛雄
者岐角雌者無角眉目際有孔深寸許俗呼爲夜光
眼 曰野豬形似家豬腹小脚長毛褐色大者能與
虎鬪最害田禾 曰土豚豬鼠褐色足短似狗 曰
毫豬狀如豬棘髯長數寸能激射人盡則自斃 曰
猴_詩無教猱升木卽此俗名狢獠畜之能辟馬病其
大者曰猿一作猿長臂善嘯 曰□□以人有豬熊
狗熊二種 曰獾_{說文}野豕也其皮粗亦□□□

狐似狗而小尾長如帚_{類書}狐有媚珠歲久能惑人
曰猫狸似猫圓頭大尾有斑黃二種善竊鷄鴨
曰白面狸面有白毛尾似狐亦名牛尾狸秋冬間肥
美可食 曰九節狸似虎狸尾黑白錢文相間皮可
爲裘 曰鹿_{字統}性驚防羣居分背而食環角向外
以備人物之害 曰麀_{本草註}麀屬而差小兩邊有
長牙喜鬪皮可爲履襪 曰麋一作獐_{埤雅}似小鹿
而美又性善驚故從章 曰麝_{說文}狀如小麋臍有
香一名射父香過處草木皆焦黃人不宜嗅亦不宜
久佩 曰獺有山水二種_{月令}孟春之月獺祭魚水

獺也似狐而小青黑色亦有黃者皮毛勝於白獺〔范成大虞衡志〕山獺土人呼爲插翹〔曰狼說文〕似犬銳頭白頰高前廣後〔埤雅〕古之烽火用狼糞取其烟直而聚雖風吹之不斜〔曰豺深毛而狗足長尾白頰色黃貪殘之獸〕〕〔曰豹〕〔陸璣詩疏〕毛赤而文黑謂之赤豹毛白而文黑謂之白豹〔正字通〕狀似虎而小面毛赤黃文圈黑如錢左右各爲圈者四故又名金錢豹宜爲裘〔曰飛虎一名玉翼獸面四足兩翅〕〔曰虎〕山獸之長聲吼如雷風從而生〔溆浦縣有毛黑白相間重三四十觔者〕〔曰武壯虎〕則其方語也

鱗之屬〔曰鯉〕〔神農書〕鯉爲魚王無大小脊旁鱗皆三十有六鱗上有小黑點文有赤白黃三種辰俗又有呼曰排鯉曰金絲鯉曰巖鯉者〔曰鮠〕〔郭璞云〕鰱魚也似鱒而大一名草魚形長身圓肉厚而鬆味最美〔曰鱧〕卽〔詩〕之鱣也狀如鱮頭小形扁鱗細腹肥其美在腹辰人有線鱧花鱧之稱〔曰鱸〕巨口細鱗似鰻長數寸辰俗呼鱸魚〔曰鰻〕扁形潤腹巨口細鱗皮厚肉繁味如豚一名水豚又名鰻豚辰人俗呼花魚〔曰鯽〕一名鮒爾雅翼鮒鱓也〔呂氏春秋〕魚之美者洞庭之鮒辰人有紅鯽小白鯽馬蹄鯽之稱〔曰〕

鯊詩鱸鯊是也通雅吹沙小魚黃皮黑斑正月先至
身前半潤而扁後方而狹辰州二三月有之肥美獨
異 曰魴一名鰾一名鰠一名鮠正字通小頭縮項
潤腹穹脊細鱗色青白腹內肪甚腴溆浦志有社來
無似鯉性急春社卽來尾髻皆赤或卽詩所謂魴魚
赧尾也 曰鮎有鯉鯢鯪諸名建昌府志鮎大首偃
額方口大腹身薄背青黃有齒胃鬚無鱗多涎俗呼
黃鮎舊說作鰻作鮎者皆誤辰俗鮠魚 曰鱧爾雅
鮠大鱧註鱧似鮎而大白色味最美俗呼回魚或聲
之訛也 曰鯖正字通形似鮠青色卽青魚俗呼烏

鵠性喜食螺 曰鰻廣韻鯪魚也本草鰻鱧似鰻而
腹大辰俗呼鰻縣志鯪鰻分爲二物者非 曰鱧爾
雅註鮠也詩魴鱧是也正字通今烏魚瀘溪志頭有
七星膽獨甘又以烏魚別爲一種者訛鳳凰廳呼七
星魚溆浦縣呼黑魚 曰鱧與鱧同爾雅曰鱧郭注
□鱧江東呼爲黃魚辰俗呼爲長脣背有骨甲三行
□近頷下其尾岐大者長二三寸肉白脂黃層層相
□脊骨及髻與鰓皆脆軟可食 曰鱧一名鱧魚山
海經鱧魚大首食之愈疣其頭最大細鱗似鯉目旁
有骨其美在頭辰俗呼大頭鯉 曰鮠一名鮠魚

似鰻頭□突起連背身圓肉厚止一脊骨更可食俗呼鯿魚辰人呼標竿 曰白鯿形狹而長若條然詩鯿鱠鯉是也辰俗呼白線魚 曰鯿山海經注一名黃頰色黃細鱗 曰條小魚正字通俗呼參條魚長而小時浮水面性好遊故名 曰鮠郭璞江賦鮠鯿鯿鮠似鯿集韻小魚同條 曰鮠司馬相如傳鮠鱠漸離註周洛曰鮠蜀曰鮠鮠肉色白味不如鱣瀘溪橫魚溱浦衡魚或卽此也 曰鱣正字通體圓厚而長似鯿魚腹稍起扁額長喙細鱗腹白背微黃性好噉魚諸書皆以爲石首非也辰郡間有大者

重五六十觔味極肥甘 曰鯿刀魚也形似刀味最下辰俗呼馬郎魴 曰鯿一作鱠本草圖經蟬似鰻鱣而細長亦似蛇而無鱗有青黃二色生水岸泥窟味甚佳蛇變者名蛇鯿有毒害人以燈照之必項下有白點通身浮水上或見燈昂首跳躍者謂之搶火鯿皆不可食 曰鱣俗呼泥鰍爾雅謂鰍生下田淺淖中似鯿而小首銳色黃黑無鱗有漉濡滑難握□泥者與他魚牝牡莊子所謂鱣與魚遊是也 曰□□軋一名缺魴正字通身尾似鮎腹黃背青腮下□□骨兩鬚羣遊作聲軋軋然一名黃鱣魚又名黃

鰓魚瀘溪呼黃刺淑浦呼刺魚又呼啞魚又呼麻啞魚或別是一種皆方語也惟沅陵呼黃鰓魚鳳凰廳呼軋魚爲正音 曰金魚一名變魚初生黑色久乃變紅或紅黑白相間尾作三岐至九岐不等脊尾皆金色大者四五寸 曰鰓音倪爾雅鰓大者謂之鰓郭註今鰓魚似鮎四脚前似獼猴後似狗聲如小兒啼大者長八九尺別名鰓笨草鰓魚一名王鮪在山溪中似鮎有四脚長尾能上樹天旱則含水葉覆身鳥來飲水因而取之聲如小兒啼故曰鰓魚一名人魚膏燃燭不滅辰郡山溪間多有之俗呼爲呱呱

魚以其聲如小兒呱呱泣也作娃娃者誤大者能上岸攫取小兒獲之亦可食 曰蛟說文龍之屬也西陽雜俎魚二千觔爲蛟相傳蛇與雉交生卵不遇雷則爲鷄冠蛇遇雷震則入土三尺見石而止歷年久乘風雨裂山而出水暴湧數丈多受其害土人遇大雪察無雪處鋤之往往得蛟卽月令伐蛟之意 曰蛇春出食物冬蟄含土其舌雙其耳聾其聽以目其蟠向壬其毒在涎其珠在口其行也紆其食也吞草居常饑食稍飽卽蛻其類不一有水木草土四種最巨惡者爲蟒不多見兩頭俱能行者爲兩頭蛇最毒

人見必橫走頭上有冠如鷄者爲鷄冠蛇能豎起暗
鳴追人遇之者急手擲一物令高過於蛇則蛇自斃
喜緣竹與竹同色者爲青竹蛇微黃綠色而長大者
爲菜花蛇皆能毒人身馬而光頭圓尾者爲烏稍蛇
性獨善不噬物又一種水蛇噬人不甚毒本草所謂
公蠃蛇也 其方語曰陽公魚一名羊角魚一名車
似公狀如鯽子有毒食之脹人 曰旁皮魚形似鯿
小而多刺 曰黃楊魚 曰麥黃魚 曰牛尾魚
曰傍巖魚 曰白魚 曰路魚 曰鰲子魚 曰紅
旗子魚 曰藍道子魚 曰土鈎 曰石鯪味甚佳
也 曰鱖魚則字亦土人所撰也

介之屬 曰龜甲虫三百六十之長爾雅龜有十種惟
神龜難得辰郡有田龜江龜肉可食甲可藥又有山
龜能食蛇不可食 曰鼃辰俗呼癩頭鼃間有之
曰鼈酉陽雜俎鼈伏於淵而卵剖於陵龜甲裏肉鼈
肉裏甲故考工記外骨爲龜屬內爲鼈屬辰俗呼團
魚亦曰脚魚有青黃二種又有鯊鼈生沅陵龍泉山
前者背多一橫骨尋丈外卽異 曰鯪鯉後魏高□

兗州獲此無識者高祐曰此三吳所出名鮫鯉時□
祐博識鱗甚堅利力能穿山故又曰穿山甲 曰螺
同羸易離爲羸又通蠡生水田中含泥在腹其殼旋
文其肉視月盈虧俗呼田螺生溪谷中者名溪螺池
中者名石螺辰呼灘螺俗統呼羸螯 曰蚌長而肥
大者曰蛤月令季春之月爵入大水爲蛤小於蚌而
圓肉皆可食殼堪爲粉謂之蚌粉亦謂蛤粉又小於
蛤色微黑者曰蜆隋書劉臻好啖蜆以父諱顯因呼
爲扁螺有黃白二種 曰蠃有螃蟹郭索鯁鱧博帶
蝓蚌橫行無腸擁劍螳蟪蟪之稱螳蟪有毒不可

辰州府志

卷十六

物產考下

二十三

食蔡謨食之而委頓者也 曰鰕同蝦急就篇註鰕
今之海鰕堪爲酢醔及所呼鰕米者又所在水中小
鰕可生啗若燭而食之皆是也沅陵縣志辰無蠃蝦
城北蝦井獨有蝦可數以爲異近日三廳四邑亦多
有之特不如他產之富耳 曰蝸牛爾雅蝸贏蟻蜃
郭註卽蝸牛也殼如小螺身有涎能制蜈蝎

□之屬 曰蠶建昌府志其虫屬陽喜燥惡濕飼以桑
葉食而不飲三眠三起二十七日而老自卵出爲妙

漂音 妙脫爲蠶而繭而蛹而蛾蛾而卵卵而復妙種類
至多辰郡所畜多黃者取其絲織以爲紬謂之土絹

亦謂土紬白者亦間有之 曰蠟虫本草虫大如口
蝨芒種後則延緣冬青樹枝食汁吐涎粘於嫩莖化
爲白脂乃結成蠟狀如凝霜處暑後則剥取之謂之
蠟渣其渣煉化濾淨或甌中瀝下器中待凝爲塊卽
成蠟也其虫嫩時白色及老則赤黑色乃結苞於樹
枝初若黍米入春漸長大如鷄子內皆白卵如細蟣
一苞數百次年立夏日摘下以箬葉包之分繫各樹
芒種後苞拆卵化虫乃延出葉底復上樹作蠟矣有
黃白二種辰人多賴此以爲利 曰蟾蜍淮南子謂
之去蚊似蝦蟆居陸地銳頭蟠腹促眉濁聲皮多痒

□行極遲緩俗呼癩蝦蟆 又有一種俗呼爲石蚌
藏水石中似蟾蜍而皮光澤味甚佳 曰蝦蟆一名
蛙古名螻蠲月令孟夏之月螻蠲鳴善躍腰細腹白
農人占其聲之早晚以卜豐歉張孝標詩田家無五
行水旱卜蛙聲其味絕珍辰人呼爲田鷄遲至七月
始取食故味少肥嫩 又蝌斗狀如魚尾如針始出
有尾無足漸大則足生尾脫蛙之子也 曰蜂一日
兩衙其毒在尾垂穎如鋒能作蜜者爲蜜蜂畜蜜之
家鑽穴桶匣之置糖其中以紅旗招之則蜂擁王至
營巢如臺以居王謂之蜂臺以花蕊爲飲食其腰細

其芒能螫又有黃黑斑各名辰人俗有呼栝萋蜂者
又有呼上坪峰者蜂穴土而居其聲震地螫人毒
甚獠人每設餌誘之以紙束其腰縱之夜焚之每掘
一穴常數升味甘可治風 曰蛺蝶一名蝴蝶大曰
蝶小曰蛾化生不一其色亦各隨虫所食及所化之
本色而皆有殊彩聞香卽至 曰蜻蜓有白宿青亭
赤弁虹蛭負勞蜻蛉螻蚱諸名有青黃赤黑諸色六
足四翼輕薄如蟬杜甫詩點水蜻蜓款款飛 曰蟬
有娘蜩蟾蜍鳴蛭寒蜩寒蟬螻蛄寒螿瘖蟬諸名皆
白蟻螬腹蛸變而爲蟬亦有轉丸化成者方首廣額

辰州府志

卷十六

物產考下

二十五

兩翼六足以脇而鳴吸風飲露 曰蝨俗作虱說文
嚙人虫也抱朴子蝨生於我而我非蝨父母蝨非我
子孫蝨子謂之蟣 曰壁蝨俗呼臭虫大於蝨而色
紫黑嚙人亦甚於蝨 曰蚤玉篇嚙人跳虫也俗呼
跳蚤 曰蚊說文嚙人飛虫也天戴禮白鳥者謂蚊
蚋也 曰蠓韻會音莫虫名如蚊而小攢聚映日齧
人作痕 曰蠅虎形似蜘蛛而色灰白善捕蠅又名
蠅蝗蠅狐蠅豹 又有一種形相似而色全白曰菊
虎嘗剪菊心性畏葱故菊盆植葱以辟之 曰蠅附
熱虫也能汙白使黑糞能敗物蒼者聲雄故埤雅謂

青蠅亂色蒼蠅亂聲 曰蛆說文蠅乳肉中虫也凡物敗臭則生之 曰蟬有蠹魚白魚柄魚衣魚壁魚諸名卑濕之氣溫蒸而生大爲書畫衣帛之害惟芸香能辟 曰蠖爾雅蠖尺蠖似蠶食葉行則屈曲而前老亦吐絲作室 曰蟻通作螳有大小黑白赤黃數十種大者爲蚍蜉亦曰馬蟻惟白蟻之害最大卽爾雅所謂蠻飛螳也能食金鐵筵楹几榻噉久化爲灰續博物志白蟻聞竹鷄之聲化爲水葬地卑濕屍骨值之立盡 曰螢一名蠲又有卽炤焜耀景天宵燭夜光諸名月令腐草化爲螢亦有茅竹根所化者

生水上者爲水螢大暑後得大火之氣而化小而宵飛腹下有光 曰蠓蠓列子春夏之月有蠓蚋者因雨而生見陽而死人家酒醋甕中亦多生此 曰蟲爾雅有蟲蟲草蟲斯蟲螫蟲土蟲蚱蜢數種皆類蝗而大小不一長角修股善跳能害稼至冬入土穴中性不忌一母百子故詩云嘒嘒草蟲趯趯蟲蟲 曰飛蛾舌今注飛蛾善拂燈又名火花慕光 曰載音刺毛虫也有毒螫人王逸九思載緣兮我裳 曰馬陸卽百足虫也博物志曰馬蜧長五六寸色紫黑如蚯蚓其足比比至百而皮極硬節節有橫文首尾

如一能毒鷄犬寸斷之亦寸行又在山而大者名山
蛩又狀如小蜈蚣身圓尾禿多足死亦屈如環者名
蚰蜒 曰蛞蝓音闊俞本草一名陵蠡一名託胎虫
一名鼻涕虫辰人多呼此名亦呼涎螭音建昌府志
暑濕氣化生者無足長二三寸背黃黑行處有白涎
成銀色青光蜈蚣避之相值則以涎畫地周匝而啗
其腦 曰蚯蚓月令孟夏蚯蚓出本草一名曲蟺一
名土龍江東謂之歌女 曰蟋蟀似竈鷄而大有翅
不能飛善跳好鬪鳴於春末及秋冬而止一名蚘又
有蜻蛉王孫諸名 曰絡緯似蚱蜢而大聲如紡績

織緯鳴於夏秋有促織紡緯促機諸名辰人呼爲紡
車娘里語促織鳴嬾婦驚是也崔豹以爲與蟋蟀同
一物者誤 曰竈馬狀如蟋蟀而小俗名竈鷄穴竈
而居 曰蚘本草名鼠婦因濕始生虫形似蠹魚
微大灰色多在甕器底及土坎中詩伊威在室韓愈
詩破竈蚘盈 曰蜥蜴爾雅蜥蜴蝮說文在草
曰蜥蜴在壁曰蝮說文又有守宮蠪螭蛇醫蠪蝮龍子
黑蝮綠蝮諸名善螫人壁間多有之俗謂小如指者
爲壁虎又謂螭虎五指者能食白蟻謂之螭虎辰俗
又以在草者爲石龍 曰螳螂有莫貆石娘拒斧天

馬諸名驤首奮臂修頸大腹善緣而捷能翳葉捕蟬
齊莊公曰爲天下勇虫深秋乳子作房粘着枝上卽
蝶蛸也 曰蟻娘一名蝓蟻一名轉丸又名弄丸翅
生黑甲下噉糞土喜爲丸鬪尹子蟻娘轉丸丸成而
精思之而有蝻白者存丸中俄去殼成蟬 曰水蛭
處處河池中有之本草有水蛭草蛭石蛭泥蛭數種
大者名馬蜚腹黃者名馬蟻能啞人血劉向新序楚
惠王食寒菹而得蛭卽此 曰螺贏詩螟蛉有子果
羸負之陸璣疏似蜂而小腰取桑虫負之於木空中
呼之七日而化爲其子 曰蜘蛛布網如繒其絲右

繞自處其中飛虫觸網者就而食之自春末至冬初
處處幔空山中花者有毒鬪尹子聖人師蜘蛛立網
罟 曰蟾子詩所謂蠪蛸是也又有長脚喜母親客
壁錢壁鏡壁繭八脚諸名五方之方語也似蜘蛛而
扁斑色八脚而長作白膜如錢貼牆壁間亦時脫殼
其子育自膜中 曰蜈蚣爾雅謂螂蛆性能制蛇觸
涎蝮由音則死蜘蛛以溺射之則斷爛生卑濕處赤腹
黑頭背光身扁而長節節有足雙鬚岐尾春出冬蟄
有被螫者以烏鷄屎或大蒜塗之卽愈 曰蠹蠹尾
虫也形似琵琶大者長踰寸許尾螫人有毒須週日

痛方止擊死似醋酸氣 曰蝙蝠有服翼蠟蠅仙鼠
飛鼠夜燕石燕簷老鼠諸名似鼠而有肉翅連合四
足及尾如一晝伏夜飛食蚊蚋季白詩序荊州清溪
有乳穴穴中玉泉交流有蝙蝠千歲體白如銀仙家
謂之玉芝 曰飛狐狀似蝙蝠大如簌箕毛長寸許
紫黑色性嗜石耳翼如剪能斷繩索 其方語有曰
摘葉蠪結巢樹上葉爲之盡螫人甚毒溱浦所出也
曰瘡疾虫食之能愈瘡永綏所有也

布帛之屬 曰棉布各鄉村多蒔棉花男婦並織精粗
不一 曰斑布亦棉花所織以黃土染其紗機成狀

辰州府志

卷十六

物產考下

二十九

如繭紬 曰夏布績苧而機成者也 曰火麻布績
麻而織布極粗黑 曰葛布績葛而機成者也 曰
土紬以蠶絲爲經棉紗緯而織成之 曰土絹本地
蠶絲所機成者質多黃亦間有白者 曰苗錦苗人
以蠶絲織成者花紋遠望甚麗近觀之稍粗然好者
亦極堅緻耐久 曰苗巾蠶絲所織紅色寬五寸許
長三四尺許 曰峒巾蠻人績苧所成者白晳中兩
端間以紅花紋頗類蘇巾拭汗能不臭
金石之屬 曰麩金說文麩小麥屑也言金形如麥屑
則微甚矣故老相傳在昔無業之民淘溪澗中偶得

之非有金鑛也〔廣輿記〕通志以爲出沅陵辰谿淑浦
黔陽間明御史薛瑄叅政游震德念地虛受產金之
名民實受賠金之困先後奏免之 曰水銀不常產
者〔廣輿記〕出沅陵瀘溪未確也 曰鑛鑛鐵也鐵初
出自土中者擊碎去其泥納爐中鎔之開一孔流出
成片謂之銑鈹復冶銑鈹成小塊爲鐵謂之辰鐵俗
訛作鉄山市建廠開鑄貨於四方貧富恃以爲業
曰鉛〔正字通〕一名黑錫錫白故鉛爲黑錫辰郡間產
之 曰丹砂卽今硃砂也〔康熙字典〕按〔廣輿記〕粵西
慶遠府宜山縣產砂生山北者曰辰砂生山南者曰
辰州府志

卷十六

物產考下

三十

宜砂地脉不殊砂亦無別據此則辰砂非產自辰州
明矣舊府縣志以爲辰砂產於黔而郡每年有折解
丹砂銀咎在古以辰砂產於辰州殊失考據昔時有
而貢之分也後以弗產而折鈔恩也何事冒宜山之
辰砂而移禍於黔人乎 曰青石 曰綠豆石 曰
鹽石 曰花石 曰紫石 曰鵝卵石處處有之皆
房舍道里所常用者 曰石乳凡巖洞深處水漿所
滴久而成峰巒鳥獸草木之狀隨其形而命名採
置盆盎間雜以水石花草以供清玩 曰硯石有出
自沅陵池蓬司山中者有出猺家溪澗諸地者有出

自永綏小排吾諸溪中者石色淡青堅嫩發墨出山中者質微黃而花紋間有山川草木之狀 曰磬石出永綏小排吾諸山土人隨其體而爲之形亦不能大爲雕鏤審其音而錐眼失當則暗得而擊之清音可聽天地自然之奇也 曰水晶石又曰白稜石有出永綏者有出溆浦者大小不一每枚六稜底稍平頂尖削瑩淨如玉間有似茶晶者曰蔡璞土人莫能用之故弗奇也

貨之屬 曰白蠟 曰黃蠟 曰桐油 曰木油 曰

麻油 曰菜油 曰茶 曰漆 曰木耳 曰乾笋

辰州府志

卷十六

物產考下

三十一

曰鐵 曰穀皮紙又曰連四紙又其粗者曰草紙 曰五楸子 曰蜂蜜 曰辰酒 曰鈎藤酒俱已分類詳前 曰白炭曰黑炭月令草木黃落乃伐薪爲炭是也土人以燒成之色分黑白而名也 曰焯炭一作麩炭白居易詩日暮半爐麩炭火是也 曰煤一名石炭土人相地穴而下取之有至數十丈而始得挖以上其石黑燃之可以代薪郡產甚多然口臭不如他產 曰石灰土人挖石礦燒煉以水發之成灰白色可資粉壁糞田之用

按諸貨有已分類詳前者茲復重言之蓋以他所

產僅足供本郡之用而此則貨於四方者也其口
貧富恃以資生者白蠟爲最鐵與桐油次之煤與
穀皮紙又次之然此數者資於地力者半藉於天
時者亦半一有災害則公私俱匱矣因民之利而
利之是在司牧者